



Publicaziuns officialas dils 09-07-2010

Damondas da baghegiar

Nr. 61/2010

Datum da publicaziun: 09-07-2010

Patrun: Adrian Maissen, 7172 Rabius

Object: Niev scaldament da calira cun sondas geotermicas vid la casa nr. d'assec. 461B sin parcella nr. 144 a Rabius-Cavivens.

Ils profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun. Eventualas protestas encunter sura damondas da baghegiar ein d'inoltrar:

- a) appartenent il dretg privat agl uffeci circuital Cadi, Mustér cun ina copia alla cumissiun da baghegiar
- b) concernent il dretg public alla cumissiun da baghegiar Sumvitg enteifer 20 dis dapi il datum da publicaziun.

Cumissiun da baghegiar Sumvitg

REGLAMENT DA TRAFFIC / CARRAR SIN VIAS D'UAUL

Tenor reglament da traffic dils 08-03-1999 vala per las sequentas vias communalas permanentamein in scamond da carrar cun tuts vehichels a motor (signal 2.14):

- Spartida Cumadé entochen Val Rabius, incl. cruna dil rempar
- Siltginas - Alp Glivers
- Clavadi - Crap Ner
- Clavadi - Con da Vitg
- Laus/Hettas - Bostg
- Laus/Hettas - Runca
- Mir Alv - Hettas
- Val Dadens - Alp Naustgel
- Bogn Tenigia - Punt Vallesa
- Punt Gronda - Alp Russein
- Runcahez - Runé
- Parcadi dadens lag Runcahez - Valtenigia
- Parcadi dadens lag Runcahez - Run
- Via veglia Curaua
- Runs - Fanels
- Plaun da Punt
- Via veglia Alp da Laus
- Punt Sulagval - Rensch
- Unclin - Cumpadials

Exepi da quei scamond ein viadis tenor art. 2 (sco p.ex. survetschs officials e maschinas agricolas) sco era purtaders d'ina carta da legitimaziun tenor art. 3, numnadamein:

- a) d'ina lubientscha per diever agricol
- b) d'ina lubientscha annuala
- c) d'ina lubientscha meinsila
- d) d'ina lubientscha dil di

Las lubientschas san vegnir retratgas sco entochen da cheu. Per ulteriur sclariment stat l'administarziun communal bugen a Vossa disposiziun. La carta da legitimaziun ei da plazzar bein veseivla vid il vehichel. Quella ei buca transmissibla. Surpassaments vegnan puni tenor las determinaziuns dalla lescha da traffic.

Plinavon ha la suprastonza communal relaschau en sia seduta dils 22-04-2002 determinaziuns executoricas davart la consegna da cartas annualas. Quellas determinaziuns passan immediatamein en vigur e san vegnir retratgas sin canzlia communal.

Nus supplichein da risguardar las signalisaziuns e buca far surdiever dallas numnadas vias en favur da nossa flora e fauna. Bien engraziament per Vossa collaboraziun.

Suprastonza communal Sumvitg

Taglia alla fontauna

Tuts patrums che han occupau luvriers jasters enteifer igl emprem semester 2010 ein supplicai da quinter giu la taglia sin fontauna entochen ils 30 da fenadur 2010. Plinavon ei igl importo dalla taglia da pagar immediat alla cassa communal.

Administraziun communal Sumvitg

Scamond d'encurrir bulius

Sebasond sils art. 11 e 12 dalla lescha davart la protecziun da plontas e bulius ha la Regenza dil cantun Grischun decretau restricziuns.

Ei setracta en special dil suandont:

- Egl interval dils 1 entochen e cun il 10avel di da mintga meins eis ei scumandau d'encurrir bulius da tuttas specias.
- Il quantum maximal ch'astga vegnir rimnaus per persuna e per di munta a maximal 2 kg da tuttas specias.
- Igl ei scumandau da rimnar bulius en gruppas da pli che treis personas.
- Il diever d'utensils per rimnar bulius ei scumandau.

Surpassaments da quellas prescripziuns vegnan puni a norma d'art. 16 dalla lescha cantunala davart la protecziun da plontas e bulius. Nus supplichein da respectar quellas disposiziuns ed engraziein per tutta capientscha.

Suprastonza communal Sumvitg

Curdem da gronda dimensiun

La vischnaunca organischescha ina rimnada da rufid bloccont sco suonda:

Venderdis, ils 23 da fenadur 2010 dallas 08.00 - 18.00 uras

NIEV vegn rimnau il rufid per l'entira vischnaunca sin la piazza Igniu (sper baghetg stradal)

La rimnada ha liug mintgamai mo 1 di, persuerter inaga dapli per onn!

Aschia sto il rufid buca vegnir tenius si aschi ditg a casa.

Ils curdems ein da deponer els containers ni navettas tschentai sil plaz. Per tener-casa vegn priu encunter **max. 2 m³** rumians. Quantitads pli grondas, per ex. ord rumidas da casas e clavaus ein da transportar directamein e sin cuost dil caschunader ella deponia regionala a Rueun.

Ei vegn acceptau:

- maschinas pintgas e mopeds mo cun tratg giu ieli e benzin
- ferramenta electronica e maschinas da lavar
- mobílias ed indrezs da casa
- ulteriurs curdems che vegnan buca rimnai cun ils transports jamnils
- per pneus senza gavegl vegn incassau ina taxa da frs. 5.--, cun gavegl frs. 10.--

Buca acceptau vegnan:

- maschinas agricolas
- lenna da brisch
- curdems da baghetg (Bauschutt) e curdems da fatschentas, quels ein da transportar directamein a Rueun
- curdem verd da curtin e caglias, tals curdems san vegnir deponi sil plaz da rimnada ad Igniu
- calziers da skis san vegnir dai giu a sgr. Ernst Orlik a Rabius per frs. 5.--, en favur dalla ARGO Tavau
- cartun e pupi duei vegnir surdau alla rimnada entras la scolas resp. las uniuns
- blachas da ballas da silo (verdas ed alvas)

Nus appelein alla responsabladad da vischinas e vischins e supplichein da setener vid quellas ordinaziuns en favur digl ambient. Medemamein fagein nus attents da buca deponer rumians sin deponias illegalas (selvadias). Talas deponias cunterfan alla legislaziun per la dismessa da rumians e vegnan annunziadas als organs responsabels.

Departament d'ambient

Meisa da miezdi (gentar communabel) dalla Pro Senectute a Surrein

La Pro Senectute Surselva organischescha ensemen cull'ustria Greina ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cumminonza ella vischnaunca da Sumvitg e contuorn denter las personas ella vegliadetgna dalla pensiun.

Plinavon dat ei la pussevividad d'embellir quell'occasiun cun star suentermiezdi da cumpignia cun dar in scart troccas ni auters giugs.

Liug: uustria Greina, 7173 Surrein

Datum: venderdis, ils 16 da fenadur 2010 allas 12.00

Prezi: 16 francs per persuna cumpriu gentar cun dessert e caffè

Annunzias: ein da far entochen gievgia allas 13.00 tier uustria Greina a Surrein, 081 943 18 68

Uniun da catschadurs Greina, Sumvitg

Exercezis da sittar, stan 100 m e lieur a Sulagval/Surrein:

Venderdis, ils 16 da fenadur dallas 18.30–20.00 uras

Gievgia, ils 22 da fenadur dallas 18.30–20.00 uras

Mesjamna, ils 28 da fenadur dallas 18.30–20.00 uras

Mardis, ils 3 d'uost dallas 18.30–20.00 uras

Venderdis, ils 20 d'uost dallas 18.30–20.00 uras

Sonda, ils 28 d'uost dallas 18.30–20.00 uras

Nies tir intern ha liug: Sonda, ils 14 d'uost

Nossa radunonza avon catscha ha liug:

Sonda, ils 14 d'uost 2010 allas 20.00 en noss'annexa a Sulagval.

Cordialmein envida la suprastonza

WWF Graubünden: Mausohren auf der Jagd

Mittwoch, 14. Juli 2010, ab 21.30 Uhr Mausohren auf der Jagd: Fledermausbeobachtung mit Miriam Lutz in Surrein. Anmeldung unter: info@wwf-gr.ch, Tel. 081 250 23 00. Infos unter: www.wwf-gr.ch.

Biblioteca Trun

Mira sut Trun.

Biblioteca populara, Mustér

Mira sut Disentis/Mustér.